



CAPVT I.

DE DELECTV
TYRONVM,

Oder

Von der Auslesung vnd
Wahl der Kriegsschüler.

ERM. Mein lieber Romane, ich frewe mich nicht wenig/das ich dich allhier an diesen Orthen antreffe / vnd mir es für ein gewünshtes grosses Glück achte / das wir allhier an diesem Ort zusammen vngesehr kommen seyn : Dann ich auß deinen gehalten Discursen / die du täglichen mit vielen auferlesenen versuchten Capitainen gehalten/begierig bin wordē/ der Edlen Römer ganzen Proceß ihrer Kriegskünsten vnd Vnderhaltung zuwissen gewünschet/vnd dieweil ich von vnserm Würth verstanden / das

du allein auß Romania anhero gezogen / der Germanorum ihrer Kriegs Instruction / Proceß vnd Ordnung zu erkündigen vnd besehen/vnd dich allhier ein Zeitlang gedenckest auffzuhalten : Vnd wie ich auch auß deinen angefangenen Vnderredungen verstanden/das du vnsern Kriegsgebrauch zuwissen begierig. Dieweil ich dann nun mehr zum theyl vnser heutige Kriegsgebrauch etwas durchsehen vnd kündig/so will ich dir deinem angefangenen Vornehmen ein satsames begnügen verschaffen/vnd was ich nicht für mein Person dir kan præstiren oder leyssen/so habe ich doch mit den Erfahrnesten d' Kriegskünsten Liebhabenden gute Kenntnuß vnd Gemeinshaft/also das ich verhoffe/was dir von vnsern ritibus vnd Kriegsgebrauchen zuwissen begierlichen ist/ soll ein gnügen geschehen : Allein das bitte ich dich (welches dir auch nicht zuwider seyn wirdt) das du auß dem Fundament vnd fundamentaliter mir erst die Romanische Kriegskunst/ihre initia, fundamenta vnd ganzen Proceß wölest hergeben / so will ich dir alsdann vnser heutige Proceß nach deiner Vollendung auch darthun / vnd se besser/ perfecter du mir die Romanische Kriegskunst wirst fürstellen/je correcter vnd verständiger ich dir die vnser auch zengen will.

Roman. Mein Germane, so hoch als dich mein Person erfrewet/ so viel höher bin ich
a deiner